




- I. Abschieds Predigt zu Anhalt samstags Leisepredigt.
- II. Elegia in Obitum Welfgangi Principis Anhaltini.
- III. Abschieds Predigt Welfgangs zu Anhalt samstags 2 Leisepredigten.
- IV. Epitaphium Hagmæ Filie Joachimi Ernesti Principis Anhaltini.
- V. Leisepredigt f. Casparinum Burggraffen zu Meissen.
- VI. Leisepredigt f. Mariani Fürsten zu Anhalt.
- VII. Leisepredigt f. Johannis zu Anhalt.
- VIII. Leisepredigt f. Philippen Herzogen zu Detmold.
- IX. Abschieds Predigt Bernhardi Caspar Burggraffen zu Meissen.
- X. Leisepredigt Kaiser Ferdinando gesalben.
- XI. Funeratio Ferdinandi.
- XII. Leisepredigt f. Mariani Fürsten zu Anhalt.
- XIII. Leisepredigt Johan Meyers.
- XIV. Leisepredigt f. Jacobum Herzogen zu Wittenberg.
- XV. Leisepredigt f. Margarethen von Armin.
- XVI. Epitaphium ad Christianum Ducem Wittenbergensem.

EX LIBRIS  
 ILLUSTRISSIMI VIRI,  
 DN. DAN. LVDOLPHI,  
 LIB. BAR. de DANCKELMANN,  
 S. REG. MAI. BORVSS. CONSILIARII  
 STATVS INTIMI, cetera,  
 BIBLIOTHECÆ ACAD. FRIDERICIANÆ  
 TESTAMENTO RELICTIS.

X

Nec. 23





2  
2..  
ELEGIA IN OBITVM.  
**ILLVSTRISSIMI**

PRINCIPIS AC DOMINI, DO-  
MINI VVOLPHGANGI PRINCIPIS  
ANHALTINI, COMITIS ASCANIAE, DOMI-  
ni in Bernburgo, &c. XXIII. Martij  
Anno Christi M. D. LXVI. pie & fe-  
liciter rebus humanis defuncti:

pietatis & gratitudinis  
ergò scripta  
à

IACOBO HEIDECO BERNBVR-  
GENSI, ANHALTINO.



AVGVSTÆ VINDELICORVM  
excudebatur in officina Typographica  
Matthæi Franci.

Anno M. D. LXVI,  
IIII. Maij.

ELBGENA IN OBIVM  
LEVESTRISSIMI  
PRINCIPIS AC DOMINI DO  
MINO VVOLFRAVNO PRINCIPIS  
ANATOLIE CONITIS ASSARIALI BOM  
ANNO DOMINI MDLXXV  
Parses & studiorum  
regiorum

IACOBO HEDDECO RERIBVR  
GENEALIA HALLINO



AVGVSTA VINDÉLICORVM  
excuditur in officina Typographica  
Machetii Franck  
Anno M. D. LXXVI  
III. Maii.



# ILLVSTRISSIMIS

PRINCIPIBUS AC DOMINIS, IOACHIMO ERNESTO ET BERNHARDO, FRATRIBUS GERMANIS, PRINCIPIBUS ANHAL-  
tinis, Comitibus Ascaniæ, Dominis in Zer-  
uesto & Bernburgo, &c. Domi-  
nis suis Clementissimis.

**H**eroës animis Illustres, stemmate clari,  
Virtute insignes & pietate graues.  
Has lacrymas supplex Generosi in funera fundit  
**V**OLPHGANGI vestros Subditus antè pedes.  
Hos pietas gemitus dedit, hos reuerentia fletus,  
Expressit lacrymas gratia larga rudes.  
Nil maius potuit, maius si posset, id ipsum  
Præstaret: Luctu nostra Thalia madet.  
Hæc non erubuit vultus prodire sub ipsos,  
Inq; sinus vestros fundere quicquid habet.  
Clementes ergò vos sustentabitis illam,  
Ne luctus pereat pondere lassa graui.  
Auxilijs tantum vestris innixa recumbit,  
A vobis placidam quærit & optat opem.  
Heroës animi pietate & robore magni,  
Quod facitis, studijs consulitote bonis.

A 2

Non

Non poterit Ducibus tribui sapientia maior,  
Quàm constans patriæ & religionis amor.  
Hanc ego dum conor VVOLPHGANGI dicere laudem,  
Continuò fragilis versus it in lacrymas.  
Viuite concordés fraterno foedere iuncti,  
Viuite felices sensu animoq; pari.  
Ascaniæ veterum Heroum generosa propago  
DUX BERNHARDE vale, DUX IOACHIME vale.

Vestrarum Celsitudinum  
Subditus humilimus

Jacobus Heideck  
Bernburgensis.



ELEGIA IN OBITVM  
**ILLVSTRISSIMI**  
PRINCIPIS AC DOMINI, DOMI-  
NI VVOLPHGANGI PRINCIPIS AN-  
haltini, Comitis Ascaniæ, Domini in Zer-  
uesto & Bernburgo, &c. XXIII. Martij,  
Anno Christi M. D. LXVI. piè & feli-  
citer rebus humanis defuncti:  
pietatis & gratitudinis  
ergò scripta.

**S**Tat vetus & multos orbi celebrata per annos  
Vrbs, fructu Cybeles condecorata Deæ.  
Vrbs decus Imperij, Diuicq; à numine pendens  
Cæsaris, & Regni iura fidemq; colens.  
AVGVSTA, Imperij sacris innixa columnis,  
Quam præter rapidus Vinda Lycusq; fluunt.  
Hic ego dum spacior viridi circumdatus vmbra  
Et studij curas versor & inter opus.  
Venit ANHALTINIS Elegia nata sub oris,  
Cui vocis solito tristior vsus erat.  
Tristis erat vultus, vestis pullata, capilli  
Disiecti, lacrymis turpis ocellus erat.  
Venit, & ingentes fletus & murmura miscet:  
Frons riget: exanguis pallor in ore sedet.

A 3

Dextra

Dextra manus fragiles gestat flores Hyacinthi,  
 Fallorꝫ an in læua nigra cupressus erat.  
 Hæc mihi dixit: Ero tristis tibi nuncia fati,  
 Tu socius nostri (credo) doloris eris.  
 Ecce tibi patriæ casus & funera narro,  
 Funera VVOLPHGANGI Principis Ascaniæ.  
 Bis septem gressus Aries confecerat orbe,  
 Cùm vitæ clausit funeris hora diem.  
 Heu iacet Ascaniæ stirpis generosa propago,  
 Præsidij columen, consilijꝫ decus.  
 Heu lacrymosa dies, heu sæua potentia Parcæ:  
 Quæ toties fati tetrica fila secat.  
 Tenondum IOACHIME fatis defleuimus, eheu  
 CAROLE nec mortis fata inopina tuæ.  
 Nunc etiam gemitus renouantur, & vndiqꝫ luctus  
 Cernitur: heu siccis quis queat esse genis?  
 Heroës quinis heu tres amissimus annis:  
 Quos virtutis amans posthuma fama canet.  
 Multiplicant lacrymas ac augent funera luctus:  
 Quis tandem finis quæso doloris erit?  
 Tu pariter mecum doleas: tu fundito questus:  
 Te lugere decet: te lacrymare decet.  
 Ille tuos cursus promouit sumtibus amplis:  
 Ille tuis studijs fautor & autor erat.  
 Ille tibi miseris rebus succurrere norat:  
 Te multum larga iuuuit & auxit ope.

Grata

Grata DEO virtus tribuens præconia laudis,  
Qui nos officijs demeruere suis.  
Dixit: & angustam vocem dolor interclusit,  
Mecq̃ suas lacrymas continuare iubet.  
Ergò mihi præsens adsis placidissime Phœbe,  
Vt mea lugubri carmine Musa fleat.  
Tu vires largire: tuas da plangere Musas:  
Flebilibus numeris da mea Musa canat:

Pangite ANHALTINÆ carmē lacrymabile Nymphæ,  
Lugentes lacrymis ora rigate pijs  
Occidit heu senior Generosi stemmatis Heros:  
Stirpis Anhaltinæ cura salusq̃ iacet.  
Heu dolor, Ascaniæ cecidit spes maxima gentis:  
Quod luctus magni non leue pondus habet.  
Aurea decessit placidæ Concordia pacis,  
Pax renuit viduo viuere sola loco.  
Publicus heu procerum Dux & caput occidit eheu,  
Triste Ducum proceres nobilitasq̃ dolent.  
Extinctum Patriæ luge RESPUBLICA patrem:  
Orba gemens inter sæua pericla iaces.  
Huius consilijs steteras firmata, nec vnquam  
Defuit auxilium præsidiumq̃ tibi.  
Principibus fidis sese coniunxit, & illos  
Consilij iuuit dexteritate sui.  
Huius opem poscit, desiderat, expetit æquè  
Nunc etiam Heroum magna Corona virum.

Cum

Cùm dubias iuuenum tenet inconstantia mentes,  
Nec scit consilij præsidijq; vices:  
V sibus edocta & rerum experientia mater  
Singula prudenti pensat agitq; manu.  
Cernitur heu quantis iaceant immerisa periclis  
Regna: Fides, pietas, fœdera fracta iacent.  
Vndiq; bellorum motus fera classica cantant:  
Teutona terra suos vastat & vrit agros.  
Turca ferox regnis cantat bella horrida cantat,  
Et lacerant dirè viscera quisq; sua.  
In tantis turbis quis non gemat optima Regni  
Fulcra rapi, fato non remorante necem?

Plāgite ANHALTINAE, mea numina, plāgite Nymphæ  
Rore fluant oculi, rore notetur humus:  
Hic sua cœlesti tingebat pectora rore,  
Qui trepidis animis reddit & addit opem.  
Hunc rorem populis tota ditioe iubebat  
Distribui, & sancti sumere roris aquas.  
Principis hanc summam laudem, curamq; decusq;  
Principis officium nouerat esse p̄ij.  
Hic pietatis amans Princeps, virtutis & æqui:  
Æternum coluit pectore & ore DEVM.  
Ardenti flagrans veræ pietatis amore,  
Afsidua voluit Biblia sacra manu.  
Iusticiæ fidei causas scrutatus, in vno  
Spem posuit CHRISTO iusticiamq; Deo.  
Coram

Coram Principibus, coram te CAROLE QVINTE  
Afferuit sanctæ religionis opus.

Relligionis opus confessus fortiter astat,  
Pectora non vlllo concutiente metu.

Heu decus Ascaniæ: custos iacet ignis & aræ:  
Orba dolet Pietas: ingemit alma Fides.

Parua natans volucris tumido super æquore, nidos  
Murmure ventorum concutiente tuos.

Et brumæ miseros excludens frigore pullos:  
Fluctibus æquoreis vndiq; pulsa: geme.

Tu gemitus, inquam, trahe: duc suspiria corde:  
Ingemines querulos voce gemente sonos.

Ipse tuos fouit nidos, sæuisq; procellis  
Obstitit, ardenti tactus amore tui.

Ipse tibi placidos ventos ac æquora mittens  
Adfuit auxiliij prosperitate sui.

Plangite SALANAE, mea pectora, plangite Nymphæ:  
Flebilibus numeris tingite fontis aquas.

Fontis erat custos, denis qui in monte Sinai  
Diffusus riuis, contegit orbis agros.

Quo pater æternus circundans oppida & vrbes,  
Præsidium fossis aggeribusq; dedit.

Huius erat custos: hunc sic compagibus arctis  
Firmabat, riui ne vitium caperent.

Effera turba suo si quando impulsâ furore  
Insilijt, pœnas quàm dedit illa graues.

B

Vidimus

Vidimus incautè fontem petulantibus ausis  
Turbantes, ictus sustinuisse rotæ.  
Vidimus & multis caput à ceruice reuulsum,  
Quèis furor & petulans criminis ardor erat.  
Iustus erat Princeps, iustum tutatus & æquum,  
Iusticiæ vindex fortis & acer erat.  
Iura dabat populo, dispensans legibus æquis,  
Præmia iusta bonis, præmia iusta malis.  
Ah Astræa tuum luge decus optima luge  
Tu doleas Legum dulcis amica Themis.  
Tuq; mea ARCTOPOLIS fatum geme Principis, ac si  
Arctoõ caderet stella propinqua polo.  
Arctoã cecidit terra placidissimus Heros,  
ARCTOIS atavis & genitore fatus.  
Vos pueri, quibus est cordi sapientia flete,  
Flete p̄i iuuenes, virq; senexq; dole.  
Et vos ALBIACAE, mea gaudia, plangite Nymphæ;  
Fontibus vndenis spargite nunc lacrymas.  
Hic quantos sumtus impendit, vt aurea virtus  
Fulgeret summis conspicienda locis.  
Hanc quanto studio iuuit: Bonitatis in ipso  
Emicuit rarum perpetuumq; decus.  
Mitis in augusto fulgebat corpore virtus,  
Et grauitas placido tincta lepore fuit.  
Integritas animi, Candor virtutis & almæ  
Pacis amor, sedes hîc habuere suas.

VVol-

VV OLG ANGI nomen tenuit: quid? nomen & omen:  
Auxilij felix prosperitate fuit.  
Et nunc fulgentis coeli felicior aulae  
Incola, perpetua prosperitate viget.


Haecenus Herois diuini fata gemendo  
Quas potuit lacrymas nostra Thalia dedit.  
Caetera quis nescit? cui stirpis nota vetustas,  
Historiae vitae nescius esse nequit.  
Desine Musa pias virtutum dicere laudes,  
Maior enim versu est splendida fama tuo.  
Desine, sunt melior quibus est in carmine vena,  
Principis has laudes sit gemuisse satis.  
Desine: nam nequeunt Elegi bene talia ferre  
Pondera, at Heroi res erit illa pedis.  
Principis ARCTOI pietas cantabitur orbe,  
Dum micat Arctoo lucida stella polo.  
Gloria virtutis generoso stemmate viuet,  
Donec caeruleo gurgite Sala fluet.  
Magna Duci patrius rumor praeconia fecit,  
Nulla pia tellus nescia laudis erit.  
Iam cessent gemitus, placide requiescit in vmbriis,  
Ante DEI vultus lux animosa viget.  
Credidit hic in spem: nunc praesens cuncta tuetur,  
Possidet & regni laeta theatra DEI.

B 2

Te vides

Te videt in triplici DEVS vnum numine numen,  
Cœlesti gaudens angelicoq̄ choro.  
Te IOACHIME videt, te CAROLE, teq̄ GEORGI:  
Conspectu fruitur mens generosa Dei.

CHRISTE, pios qui das custodes ignis & aræ,  
Quiq̄ facis longos hos superesse dies.  
ASCANIAE tribuas longa & felicia regna  
Principibus: serues lumina bina precor:  
ERNESTVM IOACHIMVM dextro numine cingas:  
BERNHARDVMq̄ tui numinis aura tegat.  
Nam nisi tu dederis vires & robora nostris  
Principibus, subito lubrica vita cadit.  
Vna salus in te: tu vitam & corpora firmas:  
Extra te non spes vlla salutis erit.  
Dij̄s geniti Heroes, fungentes munere Diuum  
Quod faciunt, cedat laudibus omne DEI.





**EPITAPHIVM**  
**ILLVSTRISSIMI PRINCIPIS AC**  
**DOMINI DOMINI VVOLPHGANGI**  
**PRINCIPIS ANHALTINI, &c. PATRIS PATRIAE ET**  
**Religionis veræ assertoris constantissimi, qui feliciter**  
**& sanctè in terris vitam clausit suam XXIII.**  
**MARTII, Anno Christi M. D. LXVI.**  
**Vixit annos LXXIII. Menses**  
**IX. Dies totidem.**

**M**AGNUS ANHALTINO genitus de sanguine Princeps  
**VV**OLPHGANGVS Patriæ Marte togaq; Pater.  
Cuius vterq; parens : **VV**OLDMARVS, **M**MARGARIS alto  
De **S**CHVARTZBVRGENSI stemmate creta: fuit.  
**L**uce duodena bis **M**MARTII migrat ad astra  
Commendans patriam, secq; suosq; Deo.  
Bis septem vixit lustris : tres addidit annos,  
Atq; nouem menses, penè nouemq; dies.  
**C**orpus in hoc tumulo requiescit molliter in te  
Expectans summum, maxime **C**HRISTE, diem.  
**I**ustus erat Princeps, constans assertor & auctor  
Iusticiæ: vindex religionis erat.  
**P**incipibus iunctus, fidei pia dogmata veræ  
**A**VGVSTAE exhibuit **C**AROLE QVINTE tibi.  
**E**xemplum pietatis erat: virtutibus auctus  
Innumeris : Heros fortis & acer erat.  
**N**il magis in votis habuit, quàm semina verbi  
Pura suæ spargi per ditionis agros.

B 3

Huic

Huic merito referet iustæ præconia laudis  
Posteritas: VIRTUS nescia mortis erit.  
Vixit amans pacis: pacem te CHRISTE poposcit:  
A te pax animæ non aliunde venit.  
Victrici merito & saluantis nomine CHRISTI  
Confusus, placida pace Dei fruitur.  
Astra colit, cœliq; vias peragrare sagaci  
Gaudet mente: Dei pectus & ora videt.  
Felicis animi supera qui sede receptus  
Quæsiuere pia religione sibi.  
ASCANIAE fratres bini posuere sepulchrum  
Lugentes stirpis spemq; decusq; suæ.  
CHRISTE precor qui das longæuæ secula vitæ,  
Stirpis ANHALTINÆ stemma domumq; foue.

FINIS.



# CLARISSIMO VI-

RO, SAPIENTIA, ERVDITIONE ET HV-

manitate præstanti D. Magistro IOHANNI A BERG,

Illustrissimorum Principum in Anhalt, &c. Consi-

liario, Domino & patrono suo

S. D.

**S**I non est graue nec nimis molestum  
Vir Clarissime, Principum gubernans  
Aulam consilij fidelitate:  
Hanc deduc, rogo, Principum sub ora  
Musam, quæ, Patriæ optimo Parenti  
VVOLPHGANGO exequiasq; lacrymasq;  
Adfert, officij memor benigni.

IAN TRVCKBROTHVS amans pias Camœnas,  
Et reddens pia iura, & æquitatem  
Acri iudicio fideq; magna  
Intra limina clarioris aulæ  
Exercens: fuit huic Patronus atq;  
Nunc est optimus ac erit subinde.  
Tu BERGI quoq; candidè iuuabis  
Hanc patrociniò tuo fideli,  
Vt quis sit trepidæ locus Thaliæ,  
Quod si feceris, ut fauor benignus  
Et prompti studiij tui voluntas  
Confirmans dubitare nil sinit me:  
Et laudes meritas tibi parare,  
Et grates meritas tibi referre  
Conabor, SALA dum vadofus alto  
Vouet gurgite fulgidas arenas.

Jacobus Heideck.



Nh 81. ✓  
II 80  
#


ULB Halle 3  
004 053 613  


TA-70L

Ant.







2..

OBITVM.  
LISSIMI  
DOMINI, DO-  
NGI PRINCIPIS  
ASCANIAE, DOMI  
XXIII. Martij  
XVI. pie & fe-  
nis defuncti:  
titudinis  
ota

CO BERNBVR-  
ALTINO.

6.



DELICORVM  
a Typographica  
ranci.  
LXVI,  
ij.

